

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին
04.03.2020թ. թիվ 2010918035 որոշումն անփոփոխ, իսկ վարչական բողոքն առանց
բավարարման թողնելու մասին

<< 03 >> 04 2020թ. 7-13- 3932

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս,
վերանայելով Նորիկ Պողոսյանի ՄԴ/15010-20 դիմումի քննարկման արդյունքում ստեղծված
նյութերը՝

Պ Ա Ր Զ Ե Ց Ի

Երևան քաղաքի Շենգավիթի վարչական շրջանի Եղ.Թադևոսյան փողոցի 13/1-րդ շենքի
20-րդ բնակարանի բնակիչ Նորիկ Պողոսյանը դիմումով խնդրել է վերանայել
Ճանապարհային ոստիկանության վարչական տույժ նշանակելու մասին 2010918035
որոշումը՝ նշելով, որ հետընթաց կատարել է կանգառ կատարելու նպատակով և չի
խոչընդոտել երթևեկությանը:

Դիմումի քննարկման արդյունքում պարզվել է, որ վարչական տույժ նշանակելու մասին
որոշումն օրինական է և հիմնավոր, քանի որ << կառավարության <<Ճանապարհային
երթևեկության կանոնները և տրանսպորտային միջոցների շահագործումն արգելող
անսարքությունների ու պայմանների ցանկը սահմանելու մասին>> թիվ 955-Ն որոշման 49-րդ
կետի համաձայն՝ **հետընթացն արգելվում է** խաչմերուկներում, մերձակա տարածքից
ճանապարհ դուրս գալիս և կանոնների 50-րդ կետում թվարկված տեղերում, իսկ 50-րդ կետի
7-րդ ենթակետի համաձայն՝ **միակողմ երթևեկությամբ ճանապարհներին:**

Իրավախախտումն ամրագրած տեսանյութը փաստում է, որ դիմումատուն <<MERCEDES-
BENZ>> մակնիշի OT333EC հաշվառման համարանիշի տրանսպորտային միջոցով
18.02.2020թ. ժամը՝ 19:11-ին Երևան քաղաքի Տերյան-Պուշկին փողոցների խաչմերուկի
հատվածում հետընթաց է վարում միակողմ երթևեկությամբ ճանապարհով՝ հոսքին
հակառակ ուղղությամբ: Այսպիսով դիմումատուի արարքում առկա են Վարչական
իրավախախտումների վերաբերյալ << օրենսգրքի 124-րդ հոդվածի 14-րդ մասի
հատկանիշները, ուստի նրան վարչական պատասխանատվության ենթարկելու մասին
որոշումն օրինական է և իրավաչափ:

Հարկ է նշել, որ Վարչական իրավախախտումների վերաբերյալ 124-րդ հոդվածի 14-րդ
մասով նախատեսված արարքը կատարելու համար նախատեսված չէ արարքի նվազ
նշանակություն ունենալու որևէ պայման (ինտենսիվ երթևեկություն, խոչընդոտել և այլն):

Ելնելով վերոգրյալից և ղեկավարվելով Վարչական իրավախախտումների վերաբերյալ <<
օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 04.03.2020թ. թիվ 2010918035 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Նորիկ Պողոսյանին:



Ե. Կարապետյան

Կատարող՝ Հ. Կարապետյան
Հեռ. 011 54-47-83